

Mardi 14 janvier 1533

Serment des six conseillers élus à Noël ; nomination de Christophe, en réalité Geoffroy, Tonnel comme procureur de la Ville à Paris en raison du décès, attendu ou advenu de Jean Lebrun ; paiement des gages de ceux qui ont oeuvré à lutter contre la peste.

1. Le mardy XIII e janvier
2. mil cinq cens trente trois, en l'Ostel Commin
3. apres disner.
4. Messire Pierre Channet, docteur, Claude Laurencin, Sieur de Riviere, Symond Court
5. Pierre Renaud, Jherosme Guerrier, Jehan Rochefort, M e Clement Amyot.
6. Ont este mandez les six nouveaulx conseillers esleuz* a Noel dernier
7. pour faire le serment et prendre la charge du Consulat desquelz sont comparuz
8. les apres nommez, assavoir :
9. Messire Simphorien Champyer, docteur medecin,
10. Guyot Henrys,
11. M e Anymond Poncet,
12. Simond Perret.
13. Lesquelz ont este priez de faire le serment et prandre la charge ;
14. desquelz ledict Messire Champier a baille ses excuses par escript, veu
15. lesquelles requiert estre exempte et n'a voulu faire le serment.
16. Ledict Guiot Henrys a dit qu'il n'est delibere faire serment ne prendre
17. la charge que premierement les comptes ne soient renduz des precedentes
18. annees.
19. Et lesdictz M e Annemond Poncet et Symond Perret, apres leurs excuses,
20. ont fait le serment acostume. Presens Me Jaques Colaud et Claude Archimbaud.
21. Sont venuz au present consulat Monsieur l'Esleu* Anthoine Grollier, Messire
22. Hugues Dupuys, docteur, et honorable homme Pierre et Francois
23. Tonnel qui ont requis et prie que le Consulat vueilhe donner la
24. charge et procuration de la ville que souloit* avoir a Paris feu Maistre
25. Jehan Le Brun, dernier decede.